

INUIT ATAQATIGIIT INATSISARTUNI



UPA2022/125

25. Maj 2022

Mariane Paviasen

**Meeqqanik kinguaassiutitigut atornerluisartut pillaatisinikunut
nakorsartinnikkut kinguaassiutitigut atuinissamut
piumassusaarutsitaanissamik (medicinsk kastration) aammalu
meeqqat kinguaassiutitigut atornerlugaasimasut sullinneqartunut
tarnikkut ikiorserneqarnermut aningaasartuutit tamakkiisumik
akiliisinneqartalernissaanik pisussaatitaasalernissaanik
pillaatissalernissaat pillugit oqallisissiatut siunnersuut.**

(Inatsisartunut Ilaasortaq Nivi Olsen, Demokraatit)

Siullermik Oqallisissiortoq Inuit Ataqatigiit sinnerlugit qutsavigaarput.

Pitsaaliuijuarnek meeqqap atornerlunneqannginnissaannut, tunngasunik
annertuumik, ataavartumillu meeqqap qanoq pitsaanerpaamik,
illersorneqarnissaanut tunngasunik anguniarneqartuarmat qujavugut.

Taamaammat meeqqanik atornerluisimasut nakorsaatitortillugit
atoqateqarusussuseqarnermut, piumassuseerunnissaannik
pineqaatissinneqatalernissaannik, aammalu meeqamik atornerluisup
pinngitsaalisimasami katsorsarneqarnerata ingerlanerani, tamakkiisumik
katsorsaanerup aningaasartuutaanik akiliisitsisinnaalernissamik
piumasaqarsinnaalernissamut tunngasunik oqallisissiaq, oqaaseqarfigissallugu
amma pingaartipparput, soorluttaaqa amma Inuit Ataqatigiinniit, ukiut
ingerlanerini meeqqanut illersuiniarneq annertoq, pinerluuteqarsimasunullu
pineqaatissiisarnerit sakkortusineqarnissaannik,

INUIT ATAQATIGIIT INATSISARTUNI



siunnersuuteqarfigineqarsimanagera Inuit ataqatigiinni ilaasortaasunit suliakkiunneqartartut malinnaasunit arajutsineqarsimanaviangilaq.

Nunatsinni meeqqanut inuussuttunullu atugarliortunut pitsaanerusemik suliniuteqarnissaq pillugu kalaallit qallunaallu oqartussaasoqarfiisa assigiinngitsunik suliallit akornanni suleqatigiinneq-mi suleqatigiissitap inassuteqaataanni takuneqarsinnaavoq inassutit pineqaatissiineq, katsorsarneqarnerlu inassutigereernikuugaat, suliallu tassuunnakkut ingerlaapput.

Oqallisissioortup nakorsaaitortitsilluni atoqateqarusussuseerutitsisinaanerup, atornerluisullu atornerlussimasami katsorsarneranut tamakkiisumik akiliisinneqartalernissaannut oqallititsineranut eqqaasitsissutigissavara maanna Naalakkersuisut suliaqarnerat, qulaanni suleqatigiissitap innersuussutai aqqutigalugit suliat ingerlanneqartut, tasanilu Naalakkersuisut maanna atornerluisartut sakkortunerusemik pineqaatissinneqartarnissaannut aamma katsorsarneqartarnissaannik siunnerfeqarnerminni oqallisigitinneqartup aamma eqqumaffigisimassagaat, katsorsaariaatsimillu ingerlalersussami kinguaasiutitigut piumassusaarutsitaanissamik periarfissamik atuisinnaaneq, katsorsaasunit ilisimasaqarfigilluaruvoq uagut maani inimi ilisimasatsinniit annerungaartumik, suliaasaq taakkunanga suliarilluarneqarumaartoq qularutigingilarput, katsorsaasalernissaq periarfissaalersussaammat katsorsaasullu suliaminnut atatillugu oqalillissiami eqqartorneqartut aamma naliliiffigisarumaaraat katsorsartittup atornerlueqqinnginnissamut iluaqutigisinaasai taakkunanga ilisimaneqarnerusessaasoq qularnanngimmat.

Meeqqat pisinnaatitaaffeqarput illersugaallutillu, atornerluisimasut aamma pisinnaatitaaffeqarput, inuit tamarmik nunami maanni pisinnaatitaaffeqarput, Inuit Ataqatigiinni pisinnaatitaaffiit tamaasa illersorpagut, tamannalu qularutigineqassanngilaq.

INUIT ATAQATIGIIT INATSISARTUNI



Kalaallit nunaanni meeqqanut inuussuttunullu atugarliortunut pitsaanagerusumik suliniuteqarnissaq pillugu suleqatigiiffianniit innersuussutit 2020-ip aasaanerani saqqummersinneqartut suleqatigiilluarnikkut pitsaaliuveqatigiissinnaanerput upperaarput, Inatsisartutullu pisussaaffeqarpugut innersuussutit taakku malinneqarsorinngikkutsigit pitsaanagerusumilluunniit iliuuseqartoqarsinnaanerani siunnersuutissaqarutta iliuuseqarnissatsinnut qanortoq tamatta tamanna atorluarlugu tigussaasunik iliuuseqarluartarisa, meerartattami atugarissaarnissaat tamakkerluta pitsaanagerpaajunissaannik kissaateqarpugut.

Naggataagut una eqqaanngitsoorsinnaangilara:

Meeqqanik atornerluisarnermut pineqaatissiisarnerup sakkortusineqarnissaannut tunngatillugu 2021-mi Sofia Geisler-i Inuit ataqatigiit sinnerlugit siunnersuuteqarsimaneranut maanna suliat isumalluarnartut ingerlaleruttorfianni qutsavigaara iliuuseqarsimammat.

Meeqqanut kinguaasiutitsigut atornerluineq qaquluunniit akuerinngisaannartussaavarput iliuuserineqarlutillu aallartinneqartut aallartisarneqartullu isumalluarfigaagut, minnerunngitsumik partiit maani tamatta assigiimmik anguniagaqarnitsinni suleqatigiilluarnissatsinnik kissaateqarlunga oqallisissiortoq qutsavigaara.